

152 -



1. Responsum Joh. Schaffii Responsus Georgio Calixto redacta eiusq
 scripto auctore opposita Wittib: 1649.
 fuit prob. Calixtinus etiam contra Wittenbergum 4*ca*
 Missus undicibus Calixtinus yndagatus, inquit Joh.
 Lülfenius in Leipzig missus 1650.
 Urupius Doc. Joh. Schaffii viae D. Georg. Calixtus fuit
 duxit Corvin. Et ita 1651.
 Apologia D. Abt. Gallopi in iudicium frumenti
 Vindobonae & Calixti. D. Drayton in Joh. Ladermanni
 frumenti etiam Henrici, p*ri*m*y* das unius Calixtinus 1651.
 Procuratus Joh. Ladermanni in D. Drayton & Abraham Lator
 in iudicium propositum sive canticum iudicium
 iudicium D. Hulsemanni de Calixtus desiderio concord.
 Ecclesiastica 1651.
 3. Vlft et condignos et iudicium M. C. Beringi D. Theol.
 in Romemburg & D. Mistenter in D. Ale. Gallopi 1651
 iudicium unius missus p*ri*ma Beringiana Missenter
 dum et roborum Corpus D. Beringi videntur, epon D. Drayton
 in Romemburg 1650.
 Extractus scrib*as* in se D. Georg. Gallopi Exemplarij Joh.
 de Novis Rebus j*ur*is, D. Georg. Calixti et D. Theol.
 Epistola exegistica M. OSwaldi Stumpfi Beringi 1649
 Calixti ad D. Schaffium super resp. ad p*ro*p*ri*o.
 Examen ep*la* exegistica OSwaldi 1651.
 3. Ex*am*en ep*la* exegistica OSwaldi 1651
 propositum ob iuris iudicium missus p*ri*ma unius
 iudicium ob iuris iudicium missus 1650 p*ro*p*ri*o
 in d*icitur* p*ro*p*ri*o Joh. Beringi 1651. Theol.
 4. Ab*h*ym*er*ta famosa festina iudicium d*icitur* Beringi 1649
 finalis mons*pi*los labens Hasselbergius d*icitur* D.
 Balth. Mentzorum Rintals 1649.
 5. Similissim*is* Beringi Rintal Phil. 3 v. 20-21 bij beelding
 D. Joh. Beringius y*er*ger*et* Br. Lb. Emschleb. y*er*ger*et*
 p*ro*p*ri*o Andri. Heer. b*in*f. fol*io* 3 Coadjut. 1648.
 (12-14) Brüschel, d*icitur* Beringi.

XVII

ANDREÆ-HENR ICI Butcholtz
SS.Theol.nec non Phil.Mor.ac Poet.
Profess.publ.

ORATIO PANEGYRICA
^{DE}
NECESSITATE
& Utilitate Philosophiæ
Moralis.

Pridie Non: Mart. Anno 1642. Cum ad Philo-
sophiæ Moralis, ac Poëtios professionem publicam, in Inclita Aca-
demia Holsatô Schaumburgica sibi demandatam, accederet,
Habita;
Et nunc primùm edita.



Rintelij ad Visurgim,
Typis exsripit PETRUS LUCIUS, Typographus Academicus;
ANNO CIO 1643.




Illustri, Generoso & Magnifico Domino,
DN. JOAN-ADLERO
SALVIO.

Regiae Majestatis Svecicæ Con-
siliario intimo, Cancellario Aulico, & ad
tractatus Pacis in Germania Legato, &c.
Hereditario in Adelsburg/Allatzlineh/Gffwerby
& Tulingen/xc. Domino & patrono
meo benigno.

*Strenam hanc exiguum, boni omnis
ergò, debita mentis submissione*

Dedico & consecro

Andreas - Henricus Bucholsky
art. M. & prof. publ.



Oratio Panegyrica
De
NECESSITATE ET UTILI-
tate Philosophiæ Moralis.

Rector Magnifice,
Vosque Viri Admodum Reverendi, Consultif-
simi, Clariſimi, Excellentiſimi,
Doctiſimi.

Et tu Nobiliſima & Praeſtantissima Studioſorum
Corona.

 Ngenti perfusus sum gaudio,
postquam communem istam læ-
titiam, oculis auribusq; hoc tem-
pore percepī, qua tota hęc civitas,
præſertim verò Academiæ hujus
nostræ Cives exultant, dum Illuſtrissimæ & Genero-
ſiſſimæ Comitis & Dominae, Dominæ ELISABE-
THÆ, Comitis Hollatiæ, Schaumburgi & Sterne-
bergæ, Dominæ in Gehmen & Bergen, natæ Co-
mitis & Nobilis Dominæ de Lippia &c. Dominæ
nostræ Clementiſſimæ hoc tam pium, tam sanctum,

A 2 & æter-

& æternis laudibus celebrandum opus, clara & sublimi voce deprædicant ; quod hanc ægrotantem , & extreum spiritum trahentem Academiam, mortis fauibus eripere voluit, & collapsam fermè, liberali & magnifico, imò Heroico planè animo instaurare. Urbis incolæ cum tripudio incedunt, & bellicis exactionibus, expilationibus, rapinis ad inopiam redacti, fortunæ, quam Studiosorum ingens numerus secum adferet benignorem, avido rictu inhiant, sibiique non tralatitiè pollicentur, fore, ut, quidquid Martis violentia & crudelitas avaris manibus eripuit, Musarum alumni ex longè dissitis oris certatim advolantes, plenis vehiculis, multo cum fœnore liberaliter sint compensaturi. Collapsæ domus, & Musæa parietibus suis & tectis nudata, imò cæmentis & calce sua oppresla, de subita reparacione sibi gratulantur, quod miserrimis his temporibus, nunc ab invisis militibus, nunc a squalida & inani solitudine inhabitata, sacratissimis erudiendorum, eruditorumq; precibus, Studiis, familiaritati iterum debent consecrari. Imprimis autem hoc nostrum Collegium, quam svaviter & in sinu gaudet id, quod dum cum fletu & lacrymis expectavit gaudium ! Area ista quæ foris est, à porcis haætenus & bobus calcata, fœdata, stercorata, sentib⁹ & carduis undiquaq; obducta

Philosophia Moralis.

5

obducta & invia facta, suam purgationem, quam diu flagitavit, ipsa strenue juvare, & suis quodammodo manibus impigrè promovere videtur, ut posthac Docentium, Discentiumq; pedibus, quô nihil sibi gratius, nihil jucundius accidere potest, assiduò teratur. De Auditoriis autem nostris, hactenus mœstissimis, quid dicam? In luctu fuerunt & squalore, præter hoc unicum, reliqua omnia; quorum nonnulla lapidibus & luto obstructa, nulli patuerunt, nulli permisérunt aditum, credo, ut sine aliorum impedimento, suam calamitatem acerbius lugerent, miseriā suam liberius deplorarent: Alia, quanta quanta sunt, ab utroque latere pervia, & pecorum injuriis exposita, sine parietibus, fenestrīs, repagulis, sine subselliis, Cathedris; fundo non tantum nullis lapidibus strato, sed porcorum insuper rostris effosso, & quod sine rubore dicere non possum, stercore inquinato; quid per D E U M nobis ostendunt aliud, quam spectaculum aliquod fœdissimum, quod velliterarum & eruditioñis hostes infensissimos permovereat, & ad misericordiam & suspiria provocet? Hæc inquam Auditoria suam nunc reædificationem, repurgationem, ornamentum, quanta cum aviditate, quanta cum lætitia audiunt & expectant! Sed neq; Studiosam nostram juventutem omnis gaudii & lætitiae expertem

A 3

videmus:



videmus : Quam sibi gratulatur, quam gaudet animus, de studiorum suorum futuro successu prosperissimo, postquam Doctrinarum & Scientiarum omnium Facultatibus [ut vocant] Clarissimos juxta & Doctissimos Professores & Doctores, partim præfatos, partim primo quoque tempore videt præficiendos, Hi in Theologicis, ubi feliciter inceperunt, felicius se progressuros sperant, & Divina oracula cognituros. Illi in vasto juris universi pelago, sub proprio & experto Nauclero, ad gubernaculum sedente, & clavum manus sua prudenter tenente, secundis ventis se navigaturos, & quas mente conceperunt merces, peracto cursu & itinere reportaturos, fortiter confidunt. Alii μηχανῆς, hominis nempe ad miraculum artificiose efformati & compositi, ut & morborum, quibus corpora nostra sunt obnoxia, medicamentorum item, morbos pellentium, & sanitatem, tum conservantium, tum restituentium, exactam cognitionem a præeunte Doctore sibi promittunt. Alii in linguis & artibus, in Scientiis & Philosophiae partibus quibuscunq; fidelem nostram informationem petunt, & quæ supremum numen nobis sive in Cœlo, sive in Terra, sive sub Terra contemplanda proposuit, egregio mentis acumine scrutari & secretius introspicere, magnoperè gestiunt. Regiones

Philosophia Moralis.

7

giones denique & Civitates circumiacentes de aliis novis, quæ Bellum quotidie nunciat, parum sollicitæ, de Academiæ nostræ reparatione sermones conferunt, & Studiosæ juventutis suæ missionem ad nos meditantes, quantam nobis ostendunt lætitiam! quod in propinquo, & quam minimo sumtu eam apud nos alere, & nostræ fidei & informationi tradere possint. Hoc est, Auditores honoratissimi, quod me hodie instigat & compellit, ut gaudium, quod intra me concepi, publicè hic profitear, & si possim, similem lætitiam in aliorum quoq; pectoribus excitem; cum & me in posterum deceat, summa ope nisi, totisque viribus contendere, ut, quantum in me est, quod tamen parum est, & cum aliorum viribus non comparandum, Academiæ nostræ emolumentum quæram & promoveam, ejusque malum, juxta cum reliquis Academiæ patribus, & re & consilio antevetam. Verum enim verò, cum vires nostræ nullis intendantur, nullis roborentur nervis aliis, quam singulari Numinis æterni auxilio et favore, haud im-
meritò ejus invocamus omnipotentiam, qui ut ma-
jestatem suam luculentius ostendat, in infirmis &
fragilibus organis efficacissimus esse solet, ejusq; in-
finitæ & nulli haec tenus petenti denegatae litamus
misericordia, ut inexhaustâ & superabundante divi-
tiarum



tiarum suarum copia egestati nostræ & infirmitati succurrere velit, nostrisq; actionibus omnibus piis, ad Deigloriam, proximalutem, & Academiæ præsertim nostræ emolumentum suscepis, ex alto benedicere : quod ut impetremus, suspiramus cum Ecclesia.

Veni Sancte Spiritus,

Et emitte cælitus

Lucis tuæ radium, &c.

Cogitanti autem mihi, cuius rei gratia locum hunc augustum concenderim, & ad quos verbasim facturus, nullo in argumento meam commodius & potiori jure orationem versari posse visum est, quam, si de PHILosophiæ MORALIS NECESSITATE Et UTILITATE nonnulla in medium proferam, adeoq; adductis rationibus ostendam, quanta ejus sit dignitas & excellentia, quæ tamen non in nuda cognitione, sed virtutum sedula & diligentí exercitatione consistat. Non quidem, ut vos Viri excellentissimi, à primis incunabulis non minus Virtutum exercitio assuetos, quam varia & insigni Scientiarum cognitione præcellentes, mea oratione vel informem, vel facundia quadam, quæ in me nulla est, svaviter afficiam, sed, ut in studioſa juventutis pectoribus virtutis amorem excitem, ejusq; ingenita pul-

Philosophia Moralis.

9

pulcritudinem, lascivienti, & voluptati deditæ æta-
ri non satis cognitam, ob oculos ponam, meaq; si-
mul Professionis dignitatem coloribus quibusdam
genuinis, nullo fuco, nulla cerusla infectis, depin-
gam. Quod dum facio, obnixè à vobis peto, aures ve-
stras & mentem simul per hanc semihorulam adver-
tite; faciam Auditores, & faciam sedulò, ut quam ari-
da & incompta etiam Oratio mea vobis videatur, im-
pensi tamen vos temporis non admodum pœniteat.

Duo autem omnino sunt Studiorum genera,
quibus Universum Philosophiæ corpus absolvitur:
Unum ex objecti sui præstantia suā nobis commen-
dat Nobilitatem; alterum ex Utilitate, quam huma-
no generi confert, suam Necessitatem. Istud in o-
mnium Creaturarum, quin & ipsius Creatoris natu-
ram sapienter inquirit, & ad maximè dissita non mi-
nus, quam ad ea quæ sub pedibus sunt, mentis nostræ
dirigit oculos, nimirum, ut animi nostri cellulas, in
prima creatione omnimodâ rerum omnium cogni-
tione expletas & ornatas, per miserandum autem &
iterum miserandum protoplastarum lapsum evacu-
atas & deperditas, quantum vires hodiernæ permit-
tunt, reparet & instauret. Imperfecta quidem est
& valde impingens hodie nostra cognitio; mentis
enim nervi plurimum disoluti, plurimum fracti

B

si ni-



si nimium intendantur, facile rumpuntur, neque arcum cognitionis semper intensum ferre possunt. Quemadmodum securis, etiam acutissima, & è purissimo chalybe confecta, si in pertinacibus nodis, ferri duritiem superantibus, quotidiè exerceatur, hebes redditur & obtusa prius, deinde inutilis; Ita mentis nostræ acies, nisi quiescat quandoq; & ab intensa cognitionis actu remittatur, fieri aliter nequit, quam ut violentiæ tandem cedat, & in corpore penitus extinguitur. Hæc est illa remora, hoc impedimentum ingens, quod cognitionis perfectionem nobis invidet, & humanæ vitæ brevitati denegat. Cui accedit, & meritò præcedit pessima omnis mali radix, contractus ex Adæ lapsu morbus, nulla reparabilis arte, nullis medicabilis herbis, à parentibus per infelicissimam juxta & nocentissimam hereditatem ad nos devolutus, & in ipsa membrorum formatione, vel potius in prima materia suppeditatione in nobis, non factus, sed natus, non introductus, sed ingenitus, non furto adjectus, sed necessitate quadam intrusus, tam pertinaciter adhæret animæ, tam violenter resistit cognitioni, ut, quæ puerilia etiam sunt, & in statu integratatis ridicula videbantur, summo cum labore addisci oporteat & doceri. Neque ta-

Philosophia Moralis.

II

men usque adeò despicienda est hodierna cognitio-
nis nostræ mediocritas, ut omni laude eam & elogio
excidisse censeamus. Quamquam enim Divina-
rum rerum Sapientia ex mentibus nostris pulsæ est,
& non nisi è peculiari sacrarum literarum revelatio-
ne reparatur ; in naturalibus tamen cognoscendis,
non omnem planè vim amisit ratio , sed tanta in iis
Scientia nobis reliqua est, ut in admirationem meri-
tò nos ducat, vel nolentes. Quid enim Cœlo sub-
limius est, quid Astris splendidius, quid admirabili-
us ! Et tamen tam altè mens humana se extulit, ut
per Aërem, per nubes, per diversas & longissimè inter-
se distantes cœli sphæras momentò volitans, remo-
tissimi Mobilis primi (ut vocant,) naturam, cursum,
qualitates invenerit, minutisque literarum monu-
mentis discentium reliquerit utilitati. Quanta Stel-
larum est in Cœlo copia, quanta virtus, quam diffe-
rens earundem motio! Et istas tamen Stellas omnes,
quotquot alicujus præstantiæ & splendoris sunt, in
numerato mens nostra habet; quas ut eo melius & fa-
cilius posteritati studiosæ cognitas faciat, retulit eas
in diversa Astra, nunc Bovem, nunc Leonem, nunc
Heroem quendam, nunc Libram , & quid non? sibi
effingendo. Planetarum in hæc inferiora , uti vis

B 2

• major



major est, ita exactius multò in eorundem inquisit naturam ratio ; ipsorumque quantitatē quasi ulnā dimetiens, quot palmis, imò quot digitis unus alterum superet, calculo suo perquisitissimè evicit. Cursus vero eorundem tam certus humanæ menti, tam accuratè perspectus est, ut & punctum, ubi post mille annos, sive sol sive alius planetarum decursurus sit, tam probè quam digitos suos habeat cognitum. Hinc de Solis & Lunæ obscurationibus, & planetarum reliquorum conjunctionibus vaticinari, tam facilis labore est, & numquid felicitatem hisce regionibus portendant, an verò adversa nobis minentur, dijudicare. Ita Mens nostra, tanquam alter aliquis Phœbus, rapido intellectus sui currū omnem Cœli plagam pervagatur, & memoriæ tenacitati omnia imprimens, ideam secum ab Olympo dedit, quæ vel in arctissimo conclavi spacioſissimam Astrorum regionem totam referat. Possem hic, Auditores, disertus esse, possem reliquas Scientiarum partes in theatrum producere, & in hoc latissimo dicendi campo tantam rerum varietatem multis, & non ingratissim fortasse coloribus depingere, quomodo ea, quæ sub Jove nascuntur omnia, tam anxiè mens nostra perscrutari soleat, ut vix atomos radii solares excitaverint,

tint, in quibus ingenium suum ratio non exercuerit. Perpendite enim quæso, quantam curam, quantum laborem Majores nostri impenderint, ut totum illud, quod inter Cœlum & Terram interjaceret, familiare sibi redderent. Quid reliquerunt intentatum, ut Elementa, & quæ ex illis gignuntur omnia perspicerent? Quid de Nubibus statuere oporteat, didicerunt; Quid illud sit, quod tam horrendum & vel furiosis Gigantibus θεομάχοις metuendum fragorem splendore mixto, in aëre excitet, cognitum est; Quid ventis sint & turbines, unde exordium sumant, unde generentur: Quid pluvia, quid nix, quid grando, ros & pruina: Quid in aëre quandoq; exorsen signis, qui modo stellæ formam radiantis induit, & crines suos horrendum in modum longè lateque diffundit, modò ut trabs totum ardens, modò ut saltantes capræ appetet, & pro diversa materiei aptitudine aliter atq; aliter formari in aëre & ostendi nobis solet. Porrò quanta sit animantium & in terris & in aquis degentium varietas, & quam, in hac infinita varietate, admirabilis conspiratio & concordia. Quid demum illud sit, quod arborem ab arboРЕ distinguishingat, fruticem à frutice, herbam ab herba, lapidem à lapide. Quid inspectib; subterraneis generosa

B 3

metalla

metalla producat, quorum splendor, non dico hominum, sed sapientum etiam animos occæcare potest. In his inquam omnibus & singulis tam spacio-sus mihi dicendi campus apertus est, ut dies abeat cito, quam omnia dignè prosequi, & vel compen-diosa tantum narratione in scenam provocare pos-sim. Verum, ne, quas ipsi in principio leges, quos limites nobis posuimus, inconsideratè transilire vi-deamur; unicum hoc yobis Auditores, paulò inqui-sitione mentis indagine pensiculandum relinquo, quam ingens decus hæc rerum cognitio nobis affe-rat, quam svaviter ea nos afficiat, quantam jucunditatem, quantam voluptatem hominum mentibus pariat & instillet. Evidem carnis illecebræ, brutis affectibus nostris svavitatem sæpè ingentem exci-tant, & mente nonnumquam dissuadente, nonnun-quam repugnante, ad illicita quævis nos abripiunt, ut & nobis fatendum sit cum Medea : *Video meliora proboque; deteriora sequor.* Nimurum, tam profundè perversitas illa in cor humanum descendit, nostrar-quesibi passiones fecit subditas & obedientes, ut in Naturam abiisse videatur, quam licet furca expellas, tamen usque recurret. Impetu enim quodam in ean-dem ferimur, & ceu maximè delectans bonum, vo-lupta-

Ovid.lib.

7. Metam.

fab. I.

Horat.

lib. I.

Epist.

Epist. 10.



Iuptatem quærimus, sicutimus, flagitamus, ut sine ea
nisi vita quidem nobis jucunda, sed mors tolerabilior
esse videatur. Et tamen nihil in se habet solidi, nihil
constantis, nihil egregii, sed fucum nobis vendit, &
præter umbram levem & somnium fallax, nihil est,
nisi aliquid multò deterius. Contra, Voluptas, qua
nobilis rerum Scientia mentes nostras perfundit,
tam præclara est, tam egregia & excelsa, ut, si eam di-
vinum aliquod bonum esse dicamus, non erremus
quidquam, & non nisi debitum ei honorem tribua-
mus & elogium. Habemus tamen, Auditores, habe-
mus aliud bonum, quod magis adhuc utile, magis
necessarium, humano generi, hanc mortalem vitam
viventi, audemus dicere. At, quid est, inquit, quod
Sapientiæ utilitati præstare possit? Sapientiæ in-
quam, quæ ex abjecta vulgi conditione, ad Deos usq;
immortales nos evexit, *qua*, ut disertissimus Romuli Cicer. lib.
nepotum testatur, *non dicam in homine, sed in omni Cœ- 1. de legib.
lo atq; Terra nihil est divinius;* & quam Sapientissimus
Seneca tanti facit, ut *nisi adhanc admissus fuisset, non* Senec.
operæ pretium fuissent nasci, arbitraretur. Quid igitur esset, præfat. in
inquit aliquis, quod præferri huic tanto, tam utili & quæst.
necessario bono posset? Verum enim verò, uti cer-
tissima hęc sunt omnia, uti Sapientiæ Nobilitas sum-
ma est,

DON



ma est, ut iesa animi propulsat tenebras, eiq; saluberrimam affundit cognitionis lucem, Ita tamen inficias nemo, opinor, ibit, Philosophiam MORALEM, quam PRUDENTIAM appellare solent, majorem longè utilitatem generi humano, in hac plena dissensionis & periculorum vita conferre. Nam sit ita, quod Sapientia abstrusissimarum nos rerum cognitione ornet; quid autem prodest, multa nosse, & ex remotissimis causarum initiis rerum naturam deducere, nisi virtutem colamus, virtutem inquam, Rerum publ. omnium fundamentum & columnam unicam, qua abiente, sapientissimus quisq; vel nihil operæ & adjumenti in proximum confert, sed ac si tantum sibi natus esset, in angulo quodam hæret, ceu trabali clavo affixus, & inanibus suis speculationibus indulgens, de aliorum salute ne cogitat quidem, recte etiam supra caput ardoris flamas non sentit, nedum, ut ad extingendum accurrat incendium: vel quod magis timendum est, scientiam suam addicit malitia, & ubi patriæ, cui maximam partem natus est, prodesse debebat, in ejus ruinam potius & desolationem intentus, quia vitium sic svadebat, dedecori tantum & damno sibi suisque est, ut etiam, ne natum cum unquam fuisse, in lucro haberetur. Quis igitur non

non videat, Sapientiam quidem Divinum omnino bonum esse, nobisq; multis modis proficuum; sed tamen, si virtute regatur, & ex eius præscripto agat omnia, viribusq; utatur suis. Adversarium hic nullum facile inveniam, nisi eum, qui in mundo planè sit hospes, & in ferarum speluncis à prima infantia educatus. Finge enim tibi Rempubl. aliquam, rempubl. dico, qua sublata, mortalium salus sarta tecta esse nequit; & talem finge, ubi à Lictore usque ad Consulem omnes philosophentur, omnes contemplationi vacantes, profundissima naturæ mysteria, intellectus sui acumine sagacissimo penetrant & aperiant. si interim virtutibus non inbuti, neq; justitiam administrent in pace, neq; fortitudinem hoste ingruente adferant, neque Temperantia, vitæ, Parsimonia autem fortunis suis prospiciant; qualem istam credis fore Rempublicam? Ego quidem ipsam in media Sapientia stultissimam audebo dicere, & omnes ejus cives eruditam aliquam insaniam insanire, & perscientiam furere. Quid autem, si Rempubl. eandem, non tantum, ut virtutibus vacuam, sed vitiis simul atrocissimis infectam contuearis? Affectus enim nostri otiosi nequaquam sunt, sed nisi benè agant, malitiam impendio lectantur, & per consuetudinem ejus fiunt mancipia. Quid igitur de

C

eius-

ejusmodi Republ. senties? Dixeris eam, ut ut sapientem, miserrimam, & quam ne ipsa quidem Salus servare possit, etiamsi omnem suam benevolentiam, omnes suas opes in eam profundat. Injustitia enim sua Magistratus æquitatem ex mœnibus protrudent; Timiditate cedent levissimis periculis; Temeritate diripient omnia; Ambitione autem, Avaritia & Libidine, quæ pestes sunt & Furiæ Rerum publ. nocentissimæ, funditus Civitatem suam conturbabunt. Contra, si virtutibus Respubl. muniatur, etiamsi Cœli labores, & animantium naturam variam non habeat cognita, bene tamen erit constituta, in periculis salva, & ab interitu satis vindicata. Perpendite hic Auditores, Romanæ Majestatis primordia, quæ non ex Minervæ cerebro primum nata est, nec inter Musas educata, sed virtute crevit simplici. Rustica enim gens erat, quæ boves & oves suas numerare didicerat melius, quam stellarum in Cœlo copiam recensere. Inter illos, si Magistratus esset eligendus, non quærebatur, qnam scitè aliquis Notiones Logicas fingere & fabricare, & in varias figuræ Syllogismum momentò transfundere, quam subtiliter & acutè de Ente differere, Communissima ab individuis abstrahere, sibiq; universam rerum omnium essentiam unico & simplicissimo mentis conceptu sistere.

Sistere posset ; Hæc inquam omnia à Magistratus Candidato non requirebantur , sed quam fortiter in bello , quam prudenter & moderatè in pace rem gerere , quam justè omnia & agere & sentire didicisset . Cœterorum nulla erat Cupido , quippe quæ ignota erant omnia , & hominibus in agro natis ne quidem audita .

Quod si peregrina minus juvant , immortalem Majorum nostrorum , Germanorum nempe veterum gloriam quæso intuemini . *Literarum secreta* , Tacit. lib.
de morib.
German. [scribit de eis Tacitus ,] viri pariter ac fœminæ ignorant . Artes igitur liberales tractabant nullas , sed è parentum virtutibus mores suos fingeabant , & sibiipsis erant schola , in qua tantum quotidiè profecisse credebantur , quantum sua virtute præstiterant ipsi . His artibus , hac Sapientia seq ; suosq ; contra hostium tela muniebant , suaq ; Fortitudine id merebantur , ut ab hostibus suis Gallis , coram invictissimo Mundi Monarcha Julio Cæsare , tanquam Heroes *incredibili* Cæsar. lib.
I. de Bell.
Gallic. virtute atq ; exercitatione in armis prædicarentur , quorum non dico congressum , sed ne vultum quidem atque aciem oculorum ferre in prælio Galli potuissent ; Id quod Romani quoq ; maxima suorum strage læpius sunt experti , qui alperiorem gentem non invenierunt , cum qua præliis tam difficilibus & ambiguis



fuisset concurrendum. Philosophabantur igitur Majores nostri quidem, sed vita, non oratione, factis non dictis, moribus non sermonibus; hoc est, in virtute omnem sapientiam, omne bonum positum esse, & credebant ipsis, & ab aliis credi volebant. Silicem autem pro pectore habeat, & ē queru excisus sit necessum est, qui huic tam certissimæ veterum Germanorum sententiæ non libens subscribat. Nullus enim Reipubl. status, nulla ætas, nullus sexus est, qui seq; suamq; incolumitatem vel ad momentum integrum servare possit, nisi virtute sufficiatur. Et quantum quidem Magistratui interfit, in virtutum familia nasci & educari, optimè norunt illi, quibus exempla Regnorum cognita sunt & Imperiorum, quorum initium Regum virtute constitit, vitiis autem eorundē labefactata & penitus extincta sunt. Sic

Justin.
Hist.lib. i. *Affyriorum* Monarchiam fortitudine sua fundabat

Ninus, Semiramis augebat, quam Tonosconcole-

ros (alias Sardanapalus,) vir omni Muliere corrupti-

or, desidia sua & voluptate totam perdidit. Sic *Persa-*

rum Regnum Cyri virtus evehebat, Successores ex-

tendebant, donec ex Dariis ultimus, Toga quam

Armis melior, & Alexandri audaciæ longè impar, vi-

tam simul cum Imperio amitteret, & hosti, in extre-

ma mortis hora amicus, mundi habenas & concede-

ret,

Justin.

lib. ii.

Curt.lib.

s. de reb.

gesit. Alex.

Magn.

ret, & a Diis precaretur. Neq; tamen Regum virtute tantum imperia sustentantur, sed & in Subditis quoque animus à vitiis alienus, & virtutibus deditus, requiritur. Quemadmodum enim sola Ducis arma hostium copias profligare nequeunt, licet is vel Hercule sit robustior; sed militum quoque præsenti animo & manu opus in confliktu est, ille autem officio suo satis functus creditur, si bono exemplo suis præluxerit: Ita Regni Salus ab uno Principe tota nec pendet nec protegitur, sed & Subditi, quod ipsorum est, conferant oportet; hoc est; sequantur decora egregij Regis vestigia, nec ab honestatis tramite abduci se patientur, nec vitiorum suorum multitudine optimi Principis virtutem impedian, sed ad eundem cum ipso scopum, qui unica Patriæ salus est, vires suas dirigant, & suo quisque officio intentus, regni decus indies magis atque magis augeat & exornet. Hac prudentia, hoc exemplo quilibet paterfamilias suis præire filiis debet, & cum lacte simul materno, virtutis amorem ipsis instillare, ne, dum eos, quos sibi imitandos proponunt, malè vident agere, ipsis quoq; pessimis moribus inbuantur, & animū tenerum, ac quidquid imprimitur, facile recipientem, ad malitiam vertant, magno cum patriæ periculo & damno. Cave tamen, virilem sexum tantummodo

C 3

virtu-

virtutum studiis addicas, mulieribus, ceu ad Reipub,
incrementum nihil conferentibus, penitus exclusis.
Nam & his sua virtus est, reipublicæ multum condu-
cens, quam non Matres familias tantum sectari, sua-
que vita exprimere, sed & filias quoque addiscere
oportet, ne, dum magnis auri & argenti divitiis Ma-
ritos beant, optimainterim dote, quæ pudicitia &
virtus est, carentes, dedecus & probrum in maritalem
domum inferant. Videtis Auditores, quām in toto
hoc universo, nulla omnino humani generis pars,
nulla ætas, si salva esse debet, virtute carere possit; ut
vel solem ē mundo tollere videantur, qui virtutem
terrarum orbis eripere velint. At verò, unde virtutis
cognitio, unde honesta discitur & emergit actio, nisi
ē Philosophia Morali? Hæc enim est, & sola est, quæ
vitia, ad quæ natura proclives sumus, abigit, & adver-
sus eorundem detestandam atrocitatem odium plus
quam vatinianum in nobis concitat. Hæc est, & sola
est, quæ passionum vehementiam corrigit, & rectæ
rationis judicio voluntatis libidinem subjicit, ut in-
tra honestatis præscriptum currat. Hæc est, & sola
est, quæ Actiones nostras dirigit, easq; format & ve-
nustat, ut virtutum divino splendore illustres, toti
patriæ & amicis omnibus gratissimam lucem affun-
dant, & tanquam Luna inter minora sidera clarissi-
me ful-

me fulgeant. Hæc deniq; est, & sola est, quæ in omni humano bono verum nos & legitimum usum docet, nec non vires nostras intendit ducitq; ut neq; ad dexteram, ubi excedere, neq; ad sinistram, ubi deficere solemus, declinent, sed intra virtutis cancellosse contineant, cursumq; absolvant suum. Tanto igitur feliciores præ Majoribus nostris merito nos prædicamus, quantò breviore compendio virtutem cognoscere, faciliore judicio honestum à vitioso disseparare, prosperiore successu actiones formare didicimus. Isti enim tanquam literarum rudes per omnem vitam lentè incedere, & ex singulis, iisq; sc̄eptius repetitis actionibus, quid virtuti esset congruum, elicere, multa cum difficultate tenebantur, id quod nostanquam in clarissimo quodam speculo, solo intuitu exploramus, dum elegantissimam virtutum omnium effigiem, neque hanc tantum, sed omnium insuper, qui ex Virtutibus pullulant surculorum delineationem, Philosophia Moralis, parvo admodum libello & patricissimis pagellis ob oculos nobis ponit; unde, quid bonum quid malum, quid solidum quid caducum, quid salutare quid noxiū, parvo admodum negotio dignoscitur; quin & Medicina simul saluberrima, & ad interiora affectuum viscera usque penetrans nobis paratur, porrigitur,
appli-

applicatur, quæ morbis animi [politice tamen, non
Theologicè consideratis] salutariter medetur, & a-
missa vitæ bona reparat. Si quis contagioſo quodam
morbo decumbens , & pro desperato ab omnibus
habitus, aſtantium vocem nullam audiat aliam, niſi
admonitionem, qua ad mortis iectum fortiter exci-
piendum excitatur; ipſe verò vitæ cupidus, appropin-
quantem videat Medicum, operam ſuam strenue of-
ferentem, & certiſſimam ſalutem pollicentem; quan-
ta tunc ſpe erigitur ægrotus , quanto cum gaudio
Servatorem ſuum adſpicit , quanto cum desiderio
medicinam expectat. oblatam vero , eti quovis felle
ſit & absinthio amarior, cum voluptate tamen sumit
& absorbet , ut morbi vis & atrocitas ſuperetur , &
ipſe pristinæ sanitati restitutus, vitæ jucunditate, qua
nihil dulcius, nihil desideratius eſt, quam diutiflē
perfruatur. Nos in eandem, Auditores, calamitatem
incidimus, proh dolor! occupavit animum noſtrum
vitiorum contagium , ſcelerum lepra ex honestatis
republ. nos ejecit; omnes beatitudines à longè no-
ſtram intuentur miseriam , & de noſtra reſtitutione
desperant ; ſuccumbendum nobis eſſe, clamitant, &
uti noſtram ipſi acceleravimus perniciem , ita forti-
ter ſaltem pereamus monent. Sed accedit ex inſpe-
rato Medicus, Philosophia nempe Moralis ; Hæc
infeli-

infelicitatem nostram miserata , curam nostri suscipit, ut amissam nobis sanitatem restituat. Quoniam verò tam profundè animum nostrum morbi vehementia pervasit , ut ne ipsa quidem ægritudinis nostræ cognitio reliqua nobis sit amplius ; Intellectum nostrum suscitat prius Philosophia, quam ad ejiciendam malignitatē procedat. Ibi in memoriam nobis revocat amissam felicitatem, & quam insipienter circa boni hujus veritatem erremus, edocet, dum alii tanquam Epicuri de grege porci, brutam carnis voluptatem tanto conatu sectantur, ut eam ob causam vivere se censeant , ut vino & cuperdiis palatum irritent, ventremq; expleant, nec non continuo Veneris abusu, corporis juxta & animi vigorem frangant & enervent. Alii tanquam Euclionis nepotes, pecuniae inhiantes;

Cupiunt gazis implere famem,

Nec tamen omnis plaga gemmiferi

Sufficit istri, nec tota sitim

Lydia vincit; nec qua Zephyro

Subdita tellus stupet aurato

Flumine clarum radiare Tagum;

Nec sitotus serviat Hebrus;

Ruraque dives cingat Hydaspes;

Senec. in
Herc.
Orcio.
Act. 2.

D

Intra-

Intraque suos currere fines

Specet totum flumine Gangem.

Ut elegantissimis Senecæ verbis hæc abjecta pecuniarum mancipia describam. Alij, quorum

Ibid,

Vrit miserum gloria peccus,

Ambitione tument, & ne vivere quidem se credunt, nisi aliis prælati, & in summo honorum fastigio emicantes, reliquos omnes longo intervallo infra se despiciant. Alii figmentis & Ideis suis, nescio quibus, effascinati, si his tantum vacare, immorari, & seipso fallere datum sit, summum bonum se adeptos, gloriarci audent. Alij deniq; alia præter rationem se extantes, quotidie à vero bono recedunt longius, quo proprius se ad illud pervenisse arbitrantur. Hic intricatus & detestabilis error, neflicitati nostræ amplius obicem ponat, rationibus evidentissimis nos informat Philosophia, docetq; illud tantummodo salutare esse, quod bonum est, illud bonum esse, quod honestum est, illud honestum esse, quod ex virtutum familia procedit: quidquid huic non est cognatum, vel in contubernium ejus non receptum, tantum abest, ut bonum censeri debeat, ut quovis potius malo pejus, quovis veneno nocentius, quavis lue pernitosius sit judicandum. Hæc in Bono informatio,

tio, præparatio quædam curationis est, quam Philosophia intendit, ut omnia, quæ in nobis sunt, rectè se habeant, & quæ à nobis agenda suscipiuntur, decenter & ex honestatis præscripto fiant. Monstrato enim Bono, non recedit statim à nobis hic Medicus noster, neque nostræ Libidini nos permittit, neque cœcæ sorti nos relinquit, sed de salute nostra semper anxiè sollicitus, in id intentus porrò est, ut viam nos & medium edoceat, cuius ductu & ope felicitatem intellectui jam cognitam assequi valeamus & obtinere. Hic autem, multa in nobis reprehendit, multa corrigit, multa extirpat, tanquam noxia & salutis nostræ damnoſa. Et ante omnia quidem Affectus seu Passiones nostras sub incudem fervidissimam revocat, igni patientiæ eas torret, aqua Constantiæ indurat, Continentiæ & Tolerantiæ malleo tundit truditq; donec rejectis vitiorum scoriis omnibus, tanquam purissimum metallum fulgeant, & virtutibus imbutæ, & undiquaq; vestitæ, actiones emitant homine dignas & reipubl. salutares. Quam verò operosus hic labor sit, quam difficilis cura, tum demum re-
ctius intelligemus, cum appetitus nostri perversitatem & pertinaciam, quam in effrenatissimis affectibus ostendit, attentius paulò perpenderimus. Quod

D 2

ut vel



ut vel unico faltem exemplo pateat , considerate
quæso, istam contumaciam & rebellionem, qua ho-
nestatis carceres Ira effringere solet & perrumpere.
De hac passione sanius dici nihil potest aut sentiri,
quam si infania mera & furor appelletur, teter omni-

Senec.lib.
1. de Ira.
cap. 1.
no & rabidus , armorum , sanguinis , suppliciorum mini-
mè humana fervens cupiditate. Et ut scias non esse sa-
nos , quos ira possedit (Senecæ verbis hic quam meis
uti malo,) ipsum illorum habitum intuere. Nam ut
furentium certa indicia sunt , audax & minax vultus ,
tristis frons , torva facies , citatus gradus , inquietæ ma-
nus , color versus , crebra & vehementius acta suspiria :
Ita irascentium eadem signa sunt. Flagrant & mi-
cant oculi , multus ore toto rubor , exstiuante ab imis præ-
cordiis sanguine ; labia quatuntur , dentes comprimun-
tur , horrent ac subriguntur capilli , spiritus coactus as-
tridens , articulorum seipsoſ torquentium sonus , gemi-
tus mugitusque & parum explanatis vocibus sermo
præruptus , & comploſa ſapius manus , & pulsata humus
pedibus , & totum concitum corpus , magnasque minas
agens , ſæda vitu & horrenda facies depravantium ſe ,
atque intumescentium. Nescias , utrum magis detesta-
bile vitium sit , an deformis . His vivis coloribus Iram
mitiſſimus Seneca delineavit , ejusque turpiſſimam
ſœdi-



fœditatem & truculentiam depinxit. Jam vero
(sic pergit Seneca) si effectus ejus damnaque intueri ve-
lis, Nulla pestis humano generi pluris stetit. Videbis cæ-
des ac venena, & reorum mutuas fôrdes, & urbium
clades, & totarum exitia gentium, & principum sub ci-
vili hasta capita venalia, & subjectas tectis faces, nec
intra mœnia coercitos ignes, sed ingentia spacia regio-
num, hostili flamma relucentia. Et prolixius qui-
dem Doctissimus juxta & acutissimus hic Autor
hos exitiosos iræ effectus prosequitur, quam ut
sine Auditorum fastidio hac hora ad terminum su-
um vergente legi à me aut recitari possint. Vos
quælo pro vestra Prudentia hæc ruminare, quam
difficilis omnino & laboriosum sit, belluam hanc
effrenatam & cum impetu omnia agentem, non re-
vocare tantum & delinire, sed concitatissimos animi
furores regere & comprimere, & quod magis ardu-
um est, ad frugem insuper & sanitatem reducere. Hoc
opus, hic labore est! Nulla vis externa tam robusta
& efficax est, quæ perturbationis hujus vehementi-
am dejiciat: Philosophia Moralis est, quæ sola id
præstat, ne omnis Reipubl. salus concidat, ne ho-
nestas tota pereat & extinguitur. Quid igitur in
sedationibus ea non possit affectibus, quæ pertur-
mob

Ibid.
cap. 2.

batissimum frenare potest & emollire. Idem Medicus est, qui Terrores pellit ne ē Civium timiditate detrimenti quid Respubl. capiat : Idem Medicus est, qui Avaritiam cohibet, ne Liberalitas, virtus tam splendida quam rara, penitus evanescat : Idem Medicus est, qui Ambitioni compedes injicit, ne per fraudes, per arma, perseditionem honores illiciti rapiantur, & civium sanguine thronus ematur. Et ut omnia uno comprehendam fasciculo, nullum omnino reipubl. malum est, cui hæc Philosophia Moralis non obsistat, nulla ægritudo est, cui remedium non adhibeat, nulla pernicies est, quam consiliis & ope sua non avertat.

Hocigitur Medicinostri curatio est præstantior, quo animi vitia corporum morbis sunt perniciosiora, sed & hoc Majori desiderio Medicus hic à nobis debet exoptari, quo lues nostra est nocentior ; hoc paratiōri animo admitti debet, hoc gratiori corde suscipi, quo efficaciorem nobis salutem adfert. Verum qui Mundi hujus ingratissimi mos est & Consuetudo, ut, quæ ab aliis in nos beneficia etiam maxima conferuntur, ea nulla non tantum gratitudine compensemus, sed Benefactorem insuper probro afficiamus, & pro officio reddamus maleficium, eandem

dem hanc sortem apud plurimos ; & quod dolendum est, apud Christianos, & quod detestandum est, apud Literatos nonnullos experiri, Philosophia nostra cogitur, dum eo ipso, quo maximè sapere & virtutem colere videri cupiunt, hanc de virtute doctrinam è scholis Christianorum totam ejicere, eradicare, & Diis manibus Telluriq; devovere conantur, ceu grande aliquod & morte piandum nefas, & ingenti cum salutis æternæ jactura conjunctum. In cuius odii & persequutionis causam, si inquiramus, nescio quid comminiscantur : Modò imperfectio-
nis eam arguunt , quod ad cœlestem vitam nihil quidquam conferat adjumenti ; modò impietatis eam insimulant, quod ab idolatriæ deditis Ethni-
cis, puta, Aristotele & aliis sit conscripta ; modò eam pro umbra habent, pro larva, pro fuko, superstitione & præstigiis, quod in hoc miseriarum domicilio solidam aliquam felicitatem somniare audeat, in perpetuis doloribus gaudium stabile, in vitiorum sentina perfectionem. Quorum sanè me potius miseret, quam ut iratus in eos inveham , dignave adversus hanc insaniam utar castigatione. *ibidem* Quis enim (ut prima deliria paucis attingam) quis, inquam, hominem, Dei Creaturam nobilissimam imperfectionis
arguat

arguat ob id, quod alis à natura & plumis, pinnisq;
squamisq; non sit convestitus? Hæc enim neque
decent hominem, neque naturæ ejus convenientiunt.
Numquid igitur Philosophiam Moralem damnes
ob id, quod ad æternatibi gaudia viam non sternit?
Id ne quidem præstare debebat hodie; alia enim,
& longè divinior sapientia est, quam Divina miseri-
cordia hunc in finem nobis est largita; Philosophia
autem salutem Reipubl. mundanam seu politicam
tantum curat, præparat, urget. Quemadmodum
igitur Grammaticæ latinæ præcepta ea propter im-
perfecta non dicis, quod Arabicè vel Syriacè te loqui
non docent; ita nec ceu mancam & mutilam calu-
mniare nostram Philosophiam, quod Spiritualibus
se non miscet. Quæ autem ista tua tam precox
pietas est, quod (ut ad alterum deveniam) Ethicam
impietatis accusas propter Idololatrām Aristote-
lem? Numquid non hac ratione Scientiæ omnes
Philosophicæ impiæ erunt & detestandæ, cum per-
inde ab Ethnicis sint conscriptæ & nobis relictæ?
Quid tu igitur impiam illam disputandi & Syllogi-
smum conficiendi artem in sanctissimam Theolo-
giā invehis, quando contra veritatis adversarios
nil nisi Syllogismos crepas & minitaris? Apage igitur
cum

cum istis tuis deliriis, nisi stultissimus omnium haberi desideras; nec umbram voca, quod tibi virtutis essentiam proponit; nec larvam, quod vitij larvam tibi detrahit; nec fucum, quod fictæ pietatis tuæ fucum omnibus conspicendum exponit; nec superstitionem, quod Deus noster in prima creatione, tanquam imaginis suæ particulam, mentibus nostris impressit; nec deniq; præstigias, quo ad optima quævis homo adducitur. Malum est, benè merentem odiſſe, Scelus, contemnere, propè parricidium calumniari, quid dicam, ejicere penitus & strangulare? Quod si illum probro afficias, qui vitam tibi est largitus, numquid non omnes ingratissimum te dixerint, & qui hac aura fruaris, indignum? Quid igitur de te sentient cogita, quod Philosophiam Moralem, quæ vitæ bonitatem tibi & felicitatem tribuit, de ponte conaris dejicere? Indignum te clamabunt omnes, qui ulla virtutis commoda sentias, ullis earum beneficiis fruaris. Spernamus igitur & detestemur hos Philosophiæ osores, & ab hac Christianorum quorundam perversitate quam alienissimi, Ethnicorum potius prudentissimum Ciceronem audiamus, qui hujus divini Boni utilitatem longè melius perpendens, continere se non potest,

E quin



quin gratitudine incitatus, plenis buccis in Philosophiae laudes sic crumpat : *O vita Philosophiae Dux, virtutis indagatrix expultrixque vitiorum; quid non modò nos, sed omnino hominum vita sine te esse potuissest?* Tu urbes peperisti, tu dissipatos homines in societatem vita convocasti, tu eos primo inter se domiciliis, deinde conjugiis, tum literarum & vocum communione junxisti : tu inventrix legum, tu magistra morum & discipline fuisti : ad te configimus, a te opem petimus, tibinos, ut antea magna ex parte, sic nunc penitus totosque tradimus. Hanc Philosophiae Morali gratitudinem, non tantum Ethnici saniores, sed & Doctissimi Christianorum omnes referunt, quotquot hinc ingens Dei Donum pensi sanctique habent, & grato pectore agnoscent. Ex quorum infinito numero mihi unus instar omnium sit, incomparabilis Theologus, & post Lutherum facile primus, Beatus Dn. Chemnitius, qui in Loco de Lege Dei sic scribit. Di-

Chemnit. *scamus amare, venerari & magnificere Sententias morales, congruentes Legi natura, ubiunque existent & legantur de Lege Dei. cap. apud Poetas, Historicos, Philosophos, Legum latores, &c. 9. de Lege natura.* quia sunt ius divinum & veritas Dei divinitus patescentia. Hæc Chemnitius. In nunc, & calumniæ tuae saliva id conspurca, quod ab autore Deo proficiat;

In nunc,

Cicer. lib.
ult. Tu-
scul.
quaest.



I nunc, & omni convitiorum genere id impugna,
quod Reipubl. salutem gignit & tuetur : propelle
nunc istam è scholis doctrinam, per quam in virtu-
tibus filii tui erudiuntur. Vos autem, quibus

De meliore luto finxit præcordia Titan,

Studiosi optimi , nolite gratiam hanc pessimis istis
seductoribus gratificari , ut diabolicis ipsorum ca-
lumniis aurem potius, quam admonitioni meæ sa-
luberrimæ porrigatis ; nec sinistri quidpiam de di-
vina nostra Philosophia Morali vel per suspicionem
cogitate , sed quod Ethicæ salutaris doctrina svader
jubetque , virtuti vos totos tradite, ut ab illis, *quorum* Senee.
Epist. 88.
corpora in sagina, animi in macie & veterno sunt, quam
alienissimi, nil nisi quod honestum , quod decens,
quod pium est , meditemini , & virtuti penitus vos
devinciatis. Quapropter O vos , qui Studiis libe-
ralibus vos addixistis,

Concutite pectus, acrior mentem excoquat,

Quam qui Caminis ignis Aetneis furit,

Omnesq; ingenii & diligentiae intendite nervos ; ut
id, quod de vobis satis felix augurium concepimus,
vestra industria non comprobetis tantū, sed & com-
pleatis ; hoc est, in virtute indies magis atque magis

E 2 cresci-

crescite, ut aliquando absoluto cursu Academico,
dignos laboribus vestris fructus percipiatis, & vel
Judicum & Senatorum subselliis, vel Academiarum
& Sholarum Cathedris, vel Templorum suggestis,
vel aliis deniq; Christianæ reipubl. muniiis præfecti,
illa edatis specimina, quibus gloriam vestram facia-
tis florentissimam, & ad seros usq; nepotes, si qui spe-
randi sunt, nominis vestri memoriam extendatis.
Ita demum vestra

Senec.
Herc.
Octeo.
Aet. ult.
circ. fin.

*Nunquam stygias fertur ad umbras:
Inclita virtus;* — — —
*Nec lethæos sœva per amnes:
Vos Fata trahent; sed cum summas:
Exiget horas consumta dies,
Iter ad superos Gloria pandet.*

Quod si de fidi Commilitone & Duce estis solli-
citi, cuius ductu & informatione ad tam sublime
perveniatis bonum, & auream istam Philosophiæ
Moralis doctrinam plenius percipiatis, offero me
vobis dilectissimi, & vestræ salutitotum me devo-
veo: Vos tantum vestrum mihi Commilitum non
denegate; faciam ego bono cum Deo, ut, si eventus
ubiq; [homines enim sumus] non omnino respon-
derit, de meo saltem animo & diligentia nihil jure-

con-



conqueri habeatis. Hanc enim Provinciam Illu-
strissima Comes & Domina , Domina mea beni-
gnissima mihi clementer demandavit, ut virtutum
doctrinam ex hac Cathedra publicè proponam, &
patefactis Vitiorum monstris , honesti amorem in
vobis fuscitem. Arduum sanè munus, & non mi-
nus vitæ inculpatæ exemplo, quam eruditione non
vulgari præstandum , cui, qui omni ex parte se satis-
facturum, vel confidat, vel promittat, aut D E O sit
quam proximus in perfectione , necesse est, alias
promissa non implebit, aut insaniens & stolido si-
milimus , alias de re impossibili & captum huma-
num excedente non gloriabitur. Agnosco igitur
in me lubens, quidquid humani patior, [patior au-
tem multum] & fragilitatis meæ conscius , & nun-
quam non memor, cum modestissimo Seneca à me Senec.lib.
de vit.
beat.cap.
exigo , non ut optimis par sim, sed ut malis melior : hoc
igitur mihi satis est , quotidie aliquid ex vitiis meis de-
mere, & errores meos objurgare: delinimenta enim magis,
quam remedia podagra meæ compono, contentus , sirarius
accedit , & si minus terminatur. O quam stultum
est, fortius loqui, quam vivere! aureos polliceri mon-
tes, ubi ne plumbeos quidem habeas in potestate!
ampullas projicere & sesquipedalia verba, & vix um-



bram referre eorum , quæ de nobis plus quam thra-
sonicè promittimus : Quod si igitur, Domini Col-
legæ honorandi , & vos reliqui viri Doctissimi , ut &
Studioſi humanissimi , si vitam meam doctrinæ
quam profiteor , non per omnia conformem vide-
ritis , date id quæſo communi nostræ naturæ , quæ ,
ſicut vestrum neminem , ita nec me tanquam abſo-
lutum virtutis simulacrum ſculpsit , ſed affectibus
patentem , & yitiis obnoxium & virtutieſſe voluit .
Interim , quam etiam ſim fragilis , & reprehensione
optimorum dignus , divinam tamen virtutis excel-
lentiam admirabor , perfectionem ejus & plenitu-
dinem adorabo , quam , qua potero fide & industria ,
Auditoribus meis ex hac Cathedra monſtrabo , & ex
intervallo ingenti reptabundus , vita mea ſequar
eam , cuius ſumma puritas , peccatum cœno pol-
lutum , propius non admittit . Hunc animum &
ardorem ut in meis quoque auditoribus & commi-
litonibus excitare poſſim , nullum non movebola-
pidem , nullis parcā laboribus , & ſi obtinuerō , &
vobis & mihi gratulabor plurimum .

Tu verò ſanctissime Deus , omnis virtutis autor
& largitor unice , Tu ſupple in nobis , quod deſt ,
tolle quod obeſt , firma quod prodeſt . Protege
Comi-

Comitem & Dominam nostram clementissimam,
sub misericordiæ tuæ alis, rege Cosiliariorum men-
tem, & Professorum, & Academiam nostram, agrum
tuum & hortum, aquam benedictionis tuæ sitien-
tem riga excole & clementer tuere. Spiritus Con-
cordiæ & pacis corda nostra amoris glutine & in-
dissolubili nexu constringat, & Misericordia tua
omnem belli impetum à cervicibus nostris avertat,
ut honorem tuum ô Deus promovere, Studiosæ ju-
ventutis salutem curare, & in Virtutum officina opti-
ma semper agere possimus. Tibi soli sapienti, soli
potenti Deo sit laus, honor, gloria & gratiarum
actio, nunc & per omnia futura
secula.

F I N I S.





Universitäts- und Landesbibliothek Sachsen-Anhalt


urn:nbn:de:gbv:3:3-41014/fragment/page=0043





Universitäts- und Landesbibliothek Sachsen-Anhalt

urn:nbn:de:gbv:3:3-41014/fragment/page=0045



Kreis- u. Stadtbibliothek
Haldensleben



Universitäts- und Landesbibliothek Sachsen-Anhalt

urn:nbn:de:gbv:3:3-41014/fragment/page=0048

Farbkarte #13

B.I.G.

3/Color

White

Magenta

Red


Yellow

Green

Cyan

Blue

Black



XVII

HENRICI Bucholtz
non Phil. Mor. ac Poet.
profess. publ.

PANEGYRICA

DE

MISSITATE

de Philosophia

Moralis.

Anno 1647. Cum ad Philo-
professionem publicam, in Inclita Aca-
demia sibi demandatam, accederet,
Habita;
primum edita.



ij ad Visurgim,
Lucius, Typographus Academicus;
1647.